

Te Atua te whakaro i engari no te tangata. kua puta ra hoki te kupu whakahau a Te Karaiti haere meinga hei akonga nga iwi katoa." I te 7.30 o te ahiahi ka karakia ano matou ki reira ka huihui katoa nga Pakeha ki te whare-kura. Te whai korero tuatahi na Rev. Canon Webb, M.A.. Tana korero ko te timatanga mai o te Ropu tuku Mihinare (C.M.S.), a tae noa mai ki te uunga mai o te Rongopai ki Niu Tireni nei. Te whai korero tuarua na Rev. H. W. Williams, M.A., kaiwhakaako o te Kareti o Te Raukahi-katea, ara mo te timatanga mai o te Hahi Maori tae no mai ki tenei ra, me nga raruraru ano hoki i pa mai ki nga kai kawae i te Rongopai. Ko te tangata Maori tuatahi i iriria ko Karaitiana Rangī. No muri mai ko Taiwhanga, matua o Hirini Taiwhanga mema o te Paremete. I puta ano hoki tana kupu whakahau ki nga akeha ki a awhinatia te Hahi Maori. Te whaikorero tuatoru na Rev. H. Hawkins ara mo te nuinga o nga mahi a Te Ropu tono Mihinare Te whaikorero tuawha, na Reweti Kohere, ara mo te kauwhau i te Rongopai ki te ao katoa. Kia kaha tonu tatou ki te kauwhau ki te tatou ake whakatupuranga, pera me nga Apotoro i kaha ra ki te kauwhau ki te ao katoa i mohio ai ratou, i roto i nga tau e toru tekau ano. I o ratou na ra ko te mana kaha tonu o Roma to ratou hoa riri, otira inaianei e tuwhera ana te ao katoa ki a tatou. Ki te kore e taea e tatou te kauwhau to tatou nei whakatupuranga e kore ano hoki e taea e era atu whakatupuranga. Te whaikorero tuarima na Mr C. de Latour (Taratoa, tino roia o Kihipane). Tana korero mo te kaha mo te awahina i te komiti hoko Paipera ki nga Maori. He nui nga waiata o tenei hui. I te mutunga ka tu te hakari a nga wahine Pakeha. I panuitia te nuinga o enei korero e te nupepa o Turanga, ko nga moni Kohi-kohi i tukua katoatia ma Te Ropu tono Mihinare. E kore e mohiotia te hokinga mai ano o te tatou Ariki, nana nei te kupu e hoki mai ana ano Ia. Ka taea ranei te kotahi rau atu tau, ka iti noa mai ranei. Kaore he tangata e mohio. Engari ra kia mataka ratou, e kore hoki tatou e mohio ki te haora e tae mai ai te Tama a te tangata. "A e kauwhautia tenei Rongopai o te rangatiratanga puta noa i te ao, hei mea whakatanu ki nga iwi katoa, a ko reira puta mai ai te mutunga." Matiu 24, 14.

ERU HARAKAIA,

Aperira 15. 99.

Te Rau, Gisborne.

TE WERO A TE WIREMU.

Te Aute, Napier,  
11 Maehe, 1899.

Ki nga Iwi Maori katoa o te Pihopatanga o Waiapu,

E hoa ma,

I taku kitenga i te panuitanga o nga moni tahua whangai mo o koutou Minita, puta ana toku aroha i te itio aua moni. Me te mea nei ko nga moni tenei o te timatanga mai ra ano i te orange o o tatou kaumatua nana nei i hua tenei mahi, kaore ano ma tenei reanga tangata. I tera takiwa e rahi ake ana nga itareti mo te moni, £10 i te tau mo te £100, me te matarahi ake te putanga mai. Ko tenei, kua heke haere te itareti ki te £4 10 i te tau mo te £100 o nga moni tahua; ko te aha ianei e ora?

Kati, he wero tenei naku i a koutou kia tahuri ki te kohi moni hei tahua apiti i nga moni o o koutou Pariba, mo etahi mahi hoki a te Hahi. Kia takoto i a koutou te £2000 ka hoatu ai e au kia £1000 hei apiti. Ebara i te mea e ora rawa nga mahi i enei moni, he aha kua, hei timatanga, ka waibo hei mahi ano ma tatou.

E hoa ma, ka tata te pau nga whenua o te motu nei te hoko e koutou ki te moni hei kai ma koutou; kaore ano he tikanga moni mo nga mahi a te Kaihanga i te tangata, i te whenua.

Na te koutou hoa aroha,

NA TE WIREMU, AHIRIKONA.

Rev. F. Bennett,

Etita o Te Pihiphararua,

E hoa tena koe.

E hoa panuita atu enei Kupu toru toru nei ki roto i tau nupepa, ara No te 24 o nga ra o Mei tata nei i tu ai tetahi hui ki konei te putake o tenei hui he kohi-kohi moni hei whakahou i te whare karakia tawhito o konei o Mohaka nei. Ko nga moni i Kohia £178 pauna Tera pea i tae Ki to 500 tangata i tae mai ki tenei hui. He nui hoki te pai o tenei hui, kaore he raruraru, pai katoa, he oi ano te mea nana i taka kino, he marangai, e taea hoki te aha. He nui hoki te whakamihiri o nga tangata i tae mai ki tenei hui ki te kaha o te tangata whenua ki te tiaki ia ratou. Tetahi whakamihiri a ratou mo Heni P. Huata minita o Konei, mo ana Kauwhau, mo ana tikanga katoa. Heoi nei e